

Մ. Խ. ԴԱՐՎԵՇՅԱՆ (Мамое Халыт), *Скотоводческое хозяйство курдов Восточной Армении* (по материалам второй половины XIX—начала XX вв.), Ереван изд-во АН Арм. ССР, 1986, 148 с.

Մ. Խ. ԴԱՐՎԵՇՅԱՆ (Մամոե Խալիթ), Արևելյան Հայաստանի քղերի անասնապահական տնտեսությունը (19-րդ դ. երկրորդ կեսի— 20-րդ դ. սկզբի նյութերով), Երևան, ՀՍՍՀ ԳԱ հրատարակչություն, 1986, 148 էջ:

Քուրդ ժողովրդի պատմությունն ու մշակույթը ուսումնասիրողների ուշադրությանն են արժանացել՝ սկսած XIX դ. կեսերից, իսկուհետև հատկապես սովետական շրջանում: Ելնելով այն հանդամանքից, որ համեմատարար սակավ են եղել գրավոր աղբյուրների ընձեռած հնարավորությունները քրդերի անասնապահական տնտեսության վերաբերյալ, հենց սկզբից էլ առաջնությունը տրվել է նրանց կենցաղամշակութային յուրահատկությունների հետազոտությանը, որի համար հաջուկտ նյութ է տվել ազգագրական իրականությունը:

Ժամանակին ավանդույթ է դարձել սոցիալական կյանքին ու կենցաղին, հավատարիքներին ու ժողովրդական պատկերացումներին, բանահյուսությանը և առհասարակ հոգևոր մշակույթին վերաբերող երևույթների հետազոտությունը, իսկ տնտեսական զբաղմունքներին ու նյութական մշակույթին համեմատարար նվազ ուշադրություն է հատկացվել: Նման մոտեցումը հատուկ է եղել մասնավորապես անցյալի քրդագիտությանը, ընդհուպ մինչև 1950-ական թվականների վերջերս: Մինչդեռ առանց քրդերի կացութաձևի պատմագրագրական հետազոտման հնարավոր չէր ամբողջական պատկերացում կազմել նրանց էթնո-մշակութային պատմության վերաբերյալ: Օրվան աշխատանքը գալիս է զգալապես լրացնելու նշված բացը, քանի որ անասնապահությունը դարեր ի վեր եղել է քրդերի կենսապահովման հիմնական տնտեսաձևը, և նրանց կենցաղամշակութային ամբողջ համալիրն իր բազմազան դրսևորումներով պայմանավորված է եղել այդ տնտեսաձևով:

Ավելի քան տաս տարվա ընթացքում Մ. Խ. Դարվեշյանը, շրջելով գյուղ առ գյուղ, ամենայն բարեխղճությամբ, այդ նպատակով կազմված հատուկ հարցարանով դաշտային ազգագրական նյութեր է հավաքել Արևելյան Հայաստանի րնատարածքի հիմնական մասը կազմող Հայկական ՍՍՀ-ում՝ ապրող քրդերից՝ ոչ միայն իր բուն թեմայի, այլև առհասարակ նյութական ու հոգևոր մշակույթի, տնտեսության ու սոցիալական կյանքի վերաբերյալ, այդ ամենը համադրելով հնարավոր գրավոր աղբյուրների ուղղակի և անուղղակի տեղեկությունների, քրդերի ազգագրությանը վերաբերող ուսումնասիրությունների հետ: Հիմնվելով սովետական ազգագրության մեջ մասնավոր վերջին շրջանում անասնապահական կացութաձևին նվիրված աշխատություններում առաջ քաշված գրույթների վրա, հեղինակը ներկայացրել է քրդերի անասնապահական զբաղմունքի տնտեսամշակութային տիպաբանության քննությունն ամբողջացնող աշխատանք:

Աշխատության մեջ նյութերի համակողմանի և, ըստ իս, նորովի քննությամբ, ելնելով Արևելյան Հայաստանի բնա-էկոլոգիկ, էթնո-մշակութային և սոցիալ-քաղաքական պայմանների յուրահատկություններից, համոզիչ կերպով վերանայվում և ճշգրտվում են քրդերի XIX դ. երկրորդ կեսի և XX դ. սկզբների անասնապահության վարման եղանակներին վերաբերող արժատական բնութագրումները: Ըստ այդմ, ցույց է տրվում, որ Արևելյան Հայաստանին հատուկ ուղղածից գոտիականությունը և ընդարձակ տափաստանային արոտավայրերի բացակայությունը, մյուս կողմից, երկրագործական տնտեսամշակութային տիպով բնութագրվող հիմնական էթնիկ զանգվածի՝ հայերի, առկայությունը, որոնց հետ քրդերը, մասնավորապես եզդիները, միշտ էլ գտնվել են կենցաղամշակութային սերտ աղերսների մեջ, բացառում էին զուտ քոչվորային տնտեսաձևի գոյատևման հնարավորությունները: Ահա ինչու, Արևելյան Հայաստանում XIX դ. սկզբներից վերաբնակված քրդերը ժամանակի ընթացքում, հարմարվելով նոր պայմաններին, վարել են հիմնականում անասնապահության երկու՝ կիսավաչկատուն և արտաքնա ձևեր՝ իրենց տարատեսակներով: Այս ամենը, ինչպես ասվեց վերը, հանգամանորեն ցույց է տրվում կոնկրետ նյութերի պատմահամեմատական քննությամբ, ներառելով նաև վրաստանի ու Ադրբեյջանի քրդ-

դերին վերաբերող տվյալները, զուգահեռներ անցկացնելով Կովկասի, Միջին Ասիայի և Առաջավոր Ասիայի անասնապահության վարման համանման եղանակների հետ:

Աշխատանքը բաղկացած է հինգ գլխից, ներածությունից, ամփոփումից, ծանոթագրություն. ներից (օգտագործած գրականության ցանկ), էթնո-աշխարհագրական անվանումների ցուցիչից, հագեցված է իլյուստրատիվ նյութով:

Ներածության մեջ տալով հիմնական նպատակն ու խնդիրները, հեղինակը բնութագրում է այն սկզբնաղբյուրներն ու մասնագիտական գրականությունը, որոնք նյութ ու մեթոդական հիմք են ծառայել աշխատության շարադրման համար: Ինչպես ցույց է տալիս հետագա ամբողջ շարադրանքը, հեղինակը քաջատեղյակ է ոչ միայն քրդագիտական, այլ առհասարակ անասնապահական մշակույթին վերաբերող սովետական և միջուսովետական շրջանների բավական հարուստ գրականությանը, մի հանգամանք, որն ինքնին ընդլայնում է հետազոտության շրջանակները:

Հստ էության, ներածական բնույթի է նաև աշխատության առաջին՝ «Անասնապահական տնտեսության դասակարգման սկզբունքները ժամանակակից ազգագրության մեջ» գլուխը, ութ փորձ է արվում բնութագրել քրդերի անասնապահական տնտեսության վարման տիպաբանական պատկերը, այն դիտարկելով ժողովրդի կացութային պատմական շարժընթացի համակարգում:

Երկրորդ՝ «Արևելյան Հայաստանի քրդերի անասնապահական տնտեսության զարգացման բնապատմական պայմանները» գլուխը, նվիրված է այն բնաէկոլոգիկ և սոցիո-պատմական միջավայրի հետադարձ ժամանակագրական ու բնատարածքային բնութագրմանը, ուր ընթացել է քրդերի անասնապահական տնտեսության վարումն ու զարգացումը: Այդ միջավայրը Հայկական լարձրավանդակի հյուսիս-արևելյան հատվածն է՝ իր բազմազան բնակիչմայական պայմաններով, հայոց երկրագործաանասնապահական սիմբիոզ տնտեսության միջավայրով և XIX դ. երկրորդ կեսի— XX դ. սկզբի քաղաքական բուռն իրադրությամբ, պարագաներ, որոնք որոշակի դրոշմ են դրել քրդերի անասնապահական տնտեսության վարման եղանակների վրա:

Աշխատության բուն էությունը բացահայտվում է հաջորդ երկու գլխում, որոնք կրում են «Անասնապահության կիսավաչկատուն ձևը» (3-րդ գլուխ) և «Անասնապահության արտադնա-ձևը» (4-րդ գլուխ) խորագրերը:

Հիմնվելով իր իսկ հավաքած դաշտային ազգագրական բազմազան նյութերի և հնարավոր զրավոր տեղեկությունների վերլուծության վրա, հեղինակը փաստորեն ուղղակի և անուղղակի բանավեճի մեջ է մտնում Արևելյան Հայաստանի քրդերի տնտեսության վարման և եղանակների ավանդույթային բնութագրումների հետ, փորձելով նորովի մոտեցում ցուցաբերել այդ կարևոր հարցին: Այսպես, նա կարողանում է համոզիչ փաստարկներով ապացուցել, որ Արևելյան Հայաստանի կոնկրետ պայմաններում XIX դ. երկրորդ կեսին— XX դ. սկզբներին քրդերն ունեցել են տնտեսության վարման երկու հիմնական եղանակ՝ անասնապահության կիսավաչկատուն և արտադնա ձևերը՝ իրենց սեզոնային ենթաձևերով, համապատասխան լափերով զուգորդված երկրագործության հետ, որը և նախադրյալներ է ստեղծել նստակեցության անցնելու, որպիսի պրոցեսը, սակայն, ժամանակագրական վերջը նշված հատվածում ավարտի չի հասել (մի բան, որը կատարվեց ավելի ուշ, արդեն սովետական շրջանում):

Աշխատության վերջին՝ «Անասունների արածեցման համագործակցության» ձևերը: Հովիտություն» գլուխը, նույնպես հույժ կարևոր է խնդրո առարկայի էությունը բացահայտելու առումով, սակայն շարադրանքում որոշ հապճեպություն է նկատվում: Այդուհանդերձ, ուշագրավ են տնտեսությունների աշխատանքային համագործակցության բնութագրումներն ըստ արևնակցական-ազգակցական և բնատարածքային բաժանումների՝ հավասար և անհավասար սկզբունքներով:

Մ. Խ. Դարվելյանի սույն աշխատությունը, այսպիսով, կարելի է գիտել նոր խոսք ոչ միայն քրդագիտության, այլև անասնապահական մշակույթի հետազոտության բնագավառում առհասարակ:

ԴԵՐՆԵԼԻ ՎԱՐԴՈՒՄՏԱՆ

պատմական գիտությունների քննաձև